

Areka ya
NOA



MAPULA MARTHA MALATJI
Diswantšho ka Jonanda Kannemeyer

AREKA YA NOA

© 2023 One Heart
Kgatišo ya pele 2023
E gatišitšwe Afrika Borwa
ISBN: 9781776475926

Puku e ka phatlalatšwa ntle le tefo, efela go kgahlanong le molao go e rekiša. Puku e humanwa go www.oneheartforkids.co.za.

Ka tumelelo ya bagatiši, puku e ka abelanwa ka go gatišwa, go fotokhophiwa goba ka mokgwa wa eletroniki. Puku ga se ya swanela go fetolwa ka mokgwa ofe goba ofe. Go kgopela tumelelo ya go gatiša puku o ka ikgokaganya le bagatiši.

One Heart
17 Pelikaan Street
Stellenbosch, 7600
South Africa
www.oneheartforkids.co.za

Mongwadi: Dr. Mapula Martha Malatji
Mothaladīswantšho: Jonanda Kannemeyer
Morulaganyi: Elizabeth Phala
Motlanyi: Imprint Publishing

Dikanegelo Tša Beibele
TESTAMENTE YA KGALE

GENESE 6-9

Areka Ya

NOA



Kgalekgale, nakong yeo lefase le bego le tletše ka batho bao ba sa kwego Modimo, go be go na le monna yo a bitšwago Noa. Noa o be a lokile, gomme o be a sepela le Modimo ka potego.

Modimo o ile a bona gore lefase le tletše bokgopo gomme a phetha ka go romela meetsefula a magolo go hlwekiša lefase.

Modimo o ile a bolela le Noa gomme a mmotša ka meetsefula ao a bego a tla. O ile a laela Noa gore a age areka e kgolo kudu, seketswana se segolo, le go kgoboketša lapa la gagwe le tše pedi tša mohuta o mongwe le o mongwe wa diphoofole, tše tona le tše tshadi, e le gore ba phološwe meetsefula.


Morena a re go Noa: “Ke tla tliša kgwerano ya ka le wena, gomme o tla tseno ka arekeng, wena le barwa ba gago le mosadi wa gago le basadi ba barwa ba gago ba na le wena. O tliše ka arekeng dibopiwa tše pedi tša diphedi ka moka, tše tona le tše tshadi. Tše pedi tša mohuta o mongwe le o mongwe wa dinonyana, diphoofolo le dibopiwa, gomme o swanetše go tšeela dijo tša gago le tša tšona.”

Gomme diphoofolo tša tla ka bobedi, bjalo ka ge Modimo a laetše. Noa le ba lapa la gagwe le bona ba tseno ka arekeng, Morena a ba tliša ka arekeng.

Ke moka dipula tša thoma go na, meetse a meetse-fula a magolo a khupetša lefase ka moka.





A dramatic landscape featuring a dark, stormy sky with a bright, glowing cloud formation. The foreground is dominated by a sea of rain, with numerous white streaks falling diagonally across the frame. In the background, there are rugged, brown mountains and a body of water with dark, choppy waves.

Pula ya na matsatši a masome a mane le mašego a masome a mane. Meetse a mafula a ile a rotoga, a khupetša dithaba le se sengwe le se sengwe. Eupša Noa, lapa la gagwe le diphoofolo ka moka tšeo di bego di le ka arekeng ba be ba bolokegile ka gare.

Meetse a khukhuša lefase ka matsatši a lekgolo le masome a mahlano. Mafelelong a matsatši a lekgolo le masome a mahlano, meetse a theoga, gomme areka ya khutša dithabeng tša Ararate.



Ka morago ga matšatši a masome a mane Noa a bula lefasetere, a romela legokobu, a roma leeba, eupša leeba la se hwetše mo le ka kotamago, ka gona la boela go Noa ka arekeng. O ile a leta matšatši a mangwe a šupago gomme a boela a ntšha leeba ka arekeng.

Ge leeba le boela go yena, go be go na le l etlakala la mohlwane leo le sa tšwago go kgaolwa molomong wa lona! Ke moka Noa a tseba gore meetse a theogile. A leta matšatši a mangwe a šupago gomme a romela leeba gape, eupša mo nakong ye leeba ga se la boela go yena.

Noa le lapa la gagwe ba tlogile arekeng gomme ba neela Modimo sehlabelo go mo leboga ka polokego ya bona. Modimo o ile a kgahlwa ke sehlabelo sa bona gomme a dira kholofetšo. O ile a bea molalatladi leratadimeng, a re e be e le seka sa kgwerano ya Gagwe, tshepišo ya gore a ka se tsoge a khukhuditše lefase ka moka gape.



Thapelo

Modimo Tate wa tšhireletšo, ga o rate ge re senyega.
Re thuše go dula kgweranong ya phološo ka tumelo go wena.

Dipotšišo

1. Ke mang wa go aga Areka?
2. Hlaloša gore Noa e be le o bjang pele ga Modimo?
3. Ke ka lebaka la eng Modimo a ile a romela meetsefula lefaseng?
4. Naa palo ya matšatši a meetsifula lefaseng e be e le ye nnyane? Goreng o re bjalole?
5. Efa leina la nonyane ye e tlilego ka karabo ya go lemoša gore meetsefula a fedile.

Mohlare wa Baobab

Nageng ya Vuwani go na le mohlare wo mogolo wa Baobab. Kutu ya yona e ka ba ditlou tše nne ka di bapile. Ba re mohlare wo wa Baobab ke o mongwe wa Baobab ya kgale lefaseng.

Le ge mohlare wo o sa nyake go nošetšwa, badudi ba bantši ba moo ba sa thabela go o nošetša. Mohlare wo o ratwa ke badudi ba moo, gomme o tumile kudu moo batho ba tšwago dinageng tša kgole ba tlogo go o etela. Badudi ba lefelong leo ba nyaka go goketša baeti nageng ya gabo bona ka ge baeti ba tliša tšhelete gomme se se thuša gape setšhaba sa lefelong leo ka go hlola mešomo.

Motheo wa mohlare o na le diphahla tše kgolo tša tlhago ka kutung, gomme batho ba rata go tsena ka gare gomme ba bona go makatša ga mohlare wo mogolo. Go bile go na le monyako, eupša ba re ke wa bao ba ratago mohlare woo le go o swara ka tlhompho, ke bona fela ba ba kgonago go tsena.

Gape go na le dipanka tše dinyenyane tšeo o ka khutšago go tšona. Ba bangwe ba dula ka gare, ba bina, ba reta le go opela dikoša tša go swana le tše:

*O, Baobab,
O, Baobab mohlare wa mehlolo,
O gola go fihla marung a godimodimo,
O bile gona go tloga nakong ya tlholego,
Ge re tšhogile,
Re tšhabela kutung ya gago.*



Motseng wona woo, go be go na le monna yo a bitšwago Korong a dutše ka mokutwaneng wa gagwe kgauswi le mohlare wa Baobab. O ile a dira lefasetere ka mokutwaneng wa gagwe gore a kgone go bona mohlare gabotse, eupša se be se le botse kudu.

Ba bangwe nageng ya Vuwani ga se ba ka ba leka go bona Baobab ye e makatšago gaešita le go bala ka ga yona. Gabotse ba be ba o lebelela fase gomme ba sa rate baeng. Bontši bja bona ba ile ba thoma go lahlegelwa ke dibaka tša go hwetša tsebo go tšwa go baeng bao ba tšwago kgole. Le ka bobona ba ile ba diriša tšhelete ya bona ka bošaedi.

Ka letšatši le lengwe ge ba dirile phetho ya go batamela mohlare, ba hwetša gore maina a bona ga se a ngwalwa pukung ya baeti ba ka mehla. Ba leka go bula lebati, ba hwetša le tswaletšwe. Ge ba lla ba re: "Modimo wa rena, Modimo wa rena re swarele!" Go bao ba ilego ba kgopela tshwarelo, gomme ba phetha ka go swara mohlare ka tlhompfo, lebati le ile la bulega.



Thapelo

Modimo Tatagorena wa legodimong, re rute go hlompha tlholo ya gago le go hlokomela tlhago. Re leboga lefase le lebotse, dimela le mehlare tšeo o re filego tšona.

Dipotšišo

1. Mohlare wa Baobab o be o le nageng efe?
2. Naa lefasetere le be le tla thuša bjang ge lebati le tswetšwe?
3. Goreng batho ba bangwe ba sa kgolwe se se ngwadilwego dikuranteng?
4. Naa wena o ka thabela go ba ka gare ga Baobab? Goreng?
5. Ke eng se se laetšago gore mohlare wa Baobab o be o tumile lefaseng?


Mantšu a maswa

Baobab = mohlare wa kutu ye kgolo ye koto


Kgaugelo = lešoko / kwelobohloko

Thopa = gapa


Areka ya Noa ke ye nngwe ya dipuku tše 20 tše di bontšhago dikanegetlo tše 10 tša Testamente ya kgale le tše 10 tša Testamente ye ntshwa, moo ye nngwe le ye nngwe ya tšona e nago le ditiragalelo-maphelong, di ithekgile ka tša Beibele.



Puku_1



Puku_2



Puku_3



Puku_4



Puku_5




Puku_6



Puku_7




Puku_8




Puku_9



Puku_10




Puku_11




Puku_12




Puku_13



Puku_14




Puku_15



Puku_16




Puku_17



Puku_18



Puku_19



Puku_20

Areka ya Noa

Mo kanegelong ya Areka ya Noa, Modimo o re ruta ka ga bohlokwa bja go boela go yena ka mokgwa wa phološo. O re lemoša bogale bja gagwe ge re mo šitela.

Mohlare wa Baobab

Kanegelong ye, ka mohlare wa Baobab, re lemošwa gore moo re phelago gona go ka ba le tšeo di ka re tšwelago mohola. Le baeti ba go tšwa mafaseng a kgole ba ka re tlišetša tsebo ya go phediša.



9781776475926

Sepedi